

## SAUDIJSKI RAZVOJNI FOND – SDF

Broj: 01-36-105-2904/13  
Sarajevo, 04.11.2022.godine

Na osnovu člana 69. stav (2). tačka d) i člana 70. stav (4). Zakona o javnim nabavkama („Službeni glasnik BiH” broj:39/14, 59/22), a na Preporuku Komisije za javnu nabavku imenovane Rješenjem broj: 01-36-105-2896-2/13 od 04.10.2022.godine, u Otvorenom postupku javne nabavke SDF-Izvođenje građevinskih radova na rekonstrukciji i izgradnji 10 stambenih jedinica u općini/opštini Gacko u okviru implementacije Projekta obnove stambenih jedinica za raseljena lica Bosne i Hercegovine iz sredstava Saudijskog fonda za razvoj-SDF, 05-SDF/22, federalni ministar **d o n o s i**

### O D L U K U O IZBORU NAJPOVOLJNIJEG PONUĐAČA

#### Član 1.

Prihvata se Preporuka Komisije za javne nabavke, broj: 01-36-105- 2903-1 /13 od 31.10.2022.godine, da se u cilju odabira najpovoljnijeg ponuđača po Otvorenom postupku javne nabavke SDF - Izvođenje građevinskih radova na rekonstrukciji i izgradnji 10 stambenih jedinica u općini/opštini Gacko u okviru implementacije Projekta obnove stambenih jedinica za raseljena lica Bosne i Hercegovine iz sredstava Saudijskog fonda za razvoj-SDF, Ugovor za javnu nabavku dodijeli ponuđaču „**INTER EXT“ D.O.O. TUZLA**, sa registriranim sjedištem u ul. 21 April 6, Tuzla 75000, ID: 4209157060008, sa najbolje ocijenjenom i prihvatljivom ponudom, broj: 9-10/22 od 19.10.2022. godine, za ponuđenu cijenu od **689.549,16 KM** (sa PDV-om) .

#### Član 2.

Prijedlog Ugovora o nabavci dostavit će se na potpis izabranom ponuđaču „**INTER EXT“ D.O.O. TUZLA**, po proteku roka od 10 dana, računajući od dana kada je ponuđač obaviješten o rezultatima postupka.

#### Član 3.

Kandidat/ponuđač kojem je dodijeljen Ugovor je obavezan dostaviti dokaze o kvalifikaciji ponuđača, odnosno originale ili ovjerene kopije dokumentacije iz člana 45. stav 1. tačke a) do d) Zakona o javnim nabavkama („Službeni glasnik BiH”, broj: 39/14, 59/22), iz Priloga 4. tenderske dokumentacije, u roku od 5 dana. Rok od 5 dana teče od dana dobijanja/preuzimanja Odluke o izboru najpovoljnijeg ponuđača.

#### Član 4.

Ova Odluka objavit će se na web-stranici Ugovornog organa ([www.fmroi.gov.ba](http://www.fmroi.gov.ba)) istovremeno s upućivanjem obavještenja ponuđačima o rezultatima postupka, u skladu sa članom 70. stav 6. Zakona o javnim nabavkama.

#### Član 5.

Ova odluka stupa na snagu danom donošenja.

## **O b r a z l o ž e n j e**

Otvoreni postupak javne nabavke SDF - Izvođenje građevinskih radova na rekostrukciji i izgradnji 10 stambenih jedinica u općini/opštini Gacko u okviru implementacije Projekta obnove stambenih jedinica za raseljena lica Bosne i Hercegovine iz sredstava Saudijskog fonda za razvoj-SDF, 05-SDF/22, pokrenut je Odlukom o pokretanju postupka javne nabavke broj: 01-36-105-2896/13 od 04.10.2022. godine.

Procijenjena vrijednost javne nabavke je 590.000,00 KM, bez PDV-a.

Kriterij za dodjelu ugovora je "najniža cijena".

Obavještenje o nabavci, broj: 668-1-3-57-3-84/22, je objavljeno na Portalu javnih nabavki ([www.ejn.gov.ba](http://www.ejn.gov.ba)) dana 06.10.2022. godine. Komisija za javnu nabavku imenovana je Rješenjem Ugovornog organa, broj: 01-36-105-2896-2/13 od 04.10.2022.godine.

Komisija za javnu nabavku dostavila je Zapisnik o pregledu i ocjeni ponuda broj: 01-36-105-2903/13 od 31.10.2022.godine, odgovornoj osobi Ugovornog organa, u postupku javne nabavke SDF-Izvođenje građevinskih radova na rekostrukciji i izgradnji 10 stambenih jedinica u općini/opštini Gacko, u okviru projekta obnove stambenih jedinica za raseljena lica u Bosni i Hercegovini iz sredstava Saudijskog fonda za razvoj-SDF.

U Zapisniku o pregledu i ocjeni ponuda utvrđeno je da je Komisija u skladu sa Zakonom, blagovremeno i pravilno izvršila otvaranje dostavljene ponude i njenu ocjenu, o čemu je sačinila odgovarajući Zapisnik, u kojem je utvrđeno slijedeće:

- U tabeli br. 1, u skladu sa provedenim postupkom iz člana 1. ove Odluke, svoje ponude dostavili su slijedeći ponuđači:

<b>Rbr ponude</b>	<b>Naziv ponuđača</b>	<b>Datum i vrijeme zaprimanja ponude</b>	<b>Ukupna cijena ponude sa popustom na javnom otvaranju u KM (bez PDV-a)</b>
1.	„INTER EXT“ D.O.O. TUZLA	25.10.2022.god. u 10:15 sati	589.358,26 KM

Konstatovano je:

- da je ukupno dostavljena jedna (1) ponuda,
- da je blagovremeno zaprimljena jedna (1) ponuda,
- da nije bilo neblagovremeno zaprimljenih ponuda,
- da dostavljena ponuda u postupku nabavke ispunjava formalno - pravne uslove u skladu sa Zakonom o javnim nabavkama i odredbama tenderske dokumentacije Ugovornog organa.

Svi članovi Komisije sa pravom glasa koristili su tabelu za tehničku evaluaciju, kako bi procijenili ispunjenost tehničkih uslova propisanih tenderskom dokumentacijom u okviru ponuda koje ispunjavaju formalne uslove.

U procesu tehničke evaluacije ponuda, a na osnovu uslova i zahtjeva iz tenderske dokumentacije vezanih za oblik, sadržaj i potpunost ponude, ustanovljeno je da dostavljena ponuda ispunjavaju tehničke uslove date u tenderskoj dokumentaciji.

- U tabeli br. 2 dat je pregled i izvršeno je rangiranje prihvatljivih ponuda prema kriterijumu za izbor ponude „najniža cijena“, kako slijedi:

RB	Naziv ponuđača	Cijena iz obrasca ponude bez popusta i bez PDV-a	Popust	Ponuđena cijena (sa popustom i bez PDV-a)
1.	„INTER EXT“ D.O.O. TUZLA	604.470,01 KM	2,5% 15.111,75 %	589.358,26 KM

- Obzirom da je predmetnim postupkom predviđeno i provođenje e-aukcije, a da je zaprimljena samo jedna prihvatljiva ponuda u okviru predmetnog postupka, e-aukcija se nije provodila, kako je to i predviđeno članom 3. stav (3) Pravilnika o uslovima i načinu korištenja e-aukcije.

Nakon izvršene ocjene ponuda, Komisija za javnu nabavku je uz Zapisnik o pregledu i ocjeni ponuda, broj: 01-36-105-2903/13 od 31.10.2022.godine, dala svoju Preporuku za prihvatanje ponude i donošenje odluke o izboru najpovoljnijeg ponuđača broj: 01-36-105-2903-1/13 od 31.10.2022.godine, za dodjelu Ugovora ponuđaču „INTER EXT“ D.O.O. TUZLA.

U postupku donošenja ove odluke, posebno su cijenjene činjenice da je Komisija pravilno i potpuno izvršila ocjenu kvalifikovanosti ponuđača te ocjenu prispjele ponude u skladu sa Zakonom o javnim nabavkama („Službeni glasnik BiH“ broj:39/14,59/22) i kriterijima iz tenderske dokumentacije.

Uzimajući u obzir naprijed navedeno, primjenom člana 64., stav 1., tačka b) Zakona o javnim nabavkama („Službeni glasnik BiH“ broj: 39/14, 59/22), odlučeno je kao u članu 1. ove Odluke.

Po okončanju roka za žalbu, ugovorni organ će pozvati odabranog ponuđača na zaključenje ugovora kojim će se regulisati međusobna prava i obaveze vezane za predmetnu nabavku shodno nacrtu ugovora datom u tenderskoj dokumentaciji.

#### **POUKA O PRAVNOM LIJEKU:**

Protiv ove Odluke svaki od ponuđača koji je učestvovao u postupku nabavke može izjaviti žalbu u roku od 10 (deset) dana od dana prijema ove Odluke.

Žalba se izjavljuje Uredu za razmatranje žalbi Bosne i Hercegovine, putem ugovornog organa Federalnog ministarstva raseljenih osoba i izbjeglica u pisanoj formi direktno ili preporučenom poštanskom pošiljkom na adresu ugovornog organa. Žalba se podnosi u najmanje 3 (tri) primjerka.

**MINISTAR**  
**dr.sci. Edin Ramić**

Dostaviti:

- Svim učesnicima u postupku
- Web stranica Ministarstva
- Dokumentacija Komisije
- a/a